

Министрліктен марапат алды

Маусым айының үшінші жексенбісі елімізде - Медицина саласы қызметкерлерінің күні. Осыған орай қаламызда салтанатты шара өтті.

Медицина саласы абыройлы һәм аса жауапты қызмет. Қателесуді көтермейтін мамандық иелері түрлі сырқаттарынан айықтырып науқастардың алғысын алады. Сондықтан да болар, оларға қоғамның құрметі ерекше. « Ақ желеңді абзал жандар» деп әспеттеп жатады.

Медицина саласының мамандарын төл мерекелерінде қала әкімі Эльдар КҮЗЕНБАЕВ құттықтап, мемлекетіміздің әуелгі байлығы адам денсаулығының сақталуы жолында жасап жатқан зор еңбектеріне алғыс айтып, сала мамандарының бірқатарын салтанатты түрде марапаттады. Соның бірі саналы жұмырын медицина қыз-



метіне арнаған Ақылбек ТАТКЕНОВ. Ақылбек Хайдарұлына қала басшысы денсаулық саласындағы адал еңбегі үшін және медицина қызметкерлері күні құрметіне орай Қазақстан Республикасы Денсаулық сақтау министрлігінің «Денсаулық сақтау ісінің үздігі» төсбелгісін табыс етті.

Сондай ақ, Арқалық қаласы әкімінің грамотасымен Амангелді Сабырұлы, Надежда Тагирзянова, Балғын Түйебайқызы, Раушан Абырқызы, Татьяна Попова, Сәуле Нәубетқызы, Қашақбай Құрманаліұлы, Зайра Магомедова, Тамара Тихонова, Арқалық қаласы әкімінің «Алғыс хатымен» Жанна ХАМЗИНА, Гүлбану Әбілжанқызы, Қостанай облысы әкімінің «Құрмет» грамотасымен Мейрамгүл Әнуарбекқызы, Қостанай облысы әкімдігінің денсаулық сақтау басқармасы басшысының грамотасымен Гүлшат Ақбердіқызы, Елена ПОДРЕЗ, Лидия ЛИ, Жанар Айтмұханқызы марапатталды.

Салтанатты шара қала көркем өнерпаздарының мерекелік концертіне ұласты.